

揮
塵
錄

五

揮麈第三錄總目

卷之一

一 孝宗登真如寺鍾樓

二 高宗東狩四明日錄

三 劉希范責鄒志全書

四 妻陸明上 高宗書

五 吳處厚與蔡持正不和

六 曾南豐辟陳無已邢和叔爲實錄檢討官

卷之二

七 龍眠三李

八 宋惠直樂語

九 九江碑工李仲寧不肯刊黨籍姓名

十 蘇叔黨善畫窠石

十一 徽宗宣曾空青至行宮

十二 錢遜叔治宿州

十三 張夫人哭魏夫人詩

十四 劉季高謁詹安世

十五 秦會之陳議狀

十六 王幼安草檄

十七 王稟徐微李邈忠義事迹

十八 呂張以勤王檄諸郡

十九 曾空青跋真草千字文略

二十 李夫人盡獲群賊

三十一 向伯恭徐端益忠義

三十二 趙叔近守秀州

卷之三

三十三 劉廷黃大本朱弁行狀

三十四 高宗召見張九成

三十五 呂元直趙元鎮相排

三十六 許志仁善戲謔

三十七 靠背交椅自梁仲謨始

三十八 曾空青辯謗錄

三十九 岳侯與王樞密葬地一同

三十 黃達如監察御史

三十 洪景伯試克敵弓銘

三十一 鄭亨仲節制尊嚴

三十二 曹庭堅遭遇秦相

三十三 建炎荊州遺事

三十五 湯致遠帥浙東

三十六 陳師禹責降

三十七 孟仁仲上表

三十八 万俟元忠薦汪明遠

三十九 鄭恭老上殿陳劄子

四十 陳忠肅得罪秦師垣四一李泰發寓書秦相

四二 汪明遠宣諭荆襄

四三王權和州與虜接戰

四四 胡昉夸誕

四五湯進之封慶國公

四六 卢延之博物洽聞

揮麈第三錄總目終

揮麈第三錄卷之一

朝請大夫主管台州崇道觀汝陰王 明清
佛宇掛鍾之閣多虛其中蓋欲聲之透徹也

孝宗潛躍在幼歲時偶至秀州郡城外真如寺登
鍾樓游戲而僧徒先以蘧蔭覆空處 上悞復其
上遂并墜焉旁觀之人失色無措亟往視之乃屹
然立于席上略無驚怖之狀此與夫 國史所載
太祖皇帝少年日人馬俱墮于汴都城樓者若合
一契焉 陳揆彥縕云

二
明清前年虱底百僚夏日訪尤文延之語明清云中
興以來省中文字亦可引證但建炎己酉之冬

高宗東狩四明登舶涉嶮至次年庚戌三月回次
越州數月之間翠華駐幸之所排日不可稽考柰
何明清即應之曰自昔以來大臣各有日錄以書
是日君臣奏對之語當時呂元直爲左僕射覺民
爲參知政事張全真爲簽書樞密院皆從上浮于
海早晚密衛于舟中者樞密都承旨辛道宗兄弟
也逐人必有家乘存焉今呂范二家皆居台州全
真鄉里常州若行下數家取索日錄參照則瞭然
不遺時刻矣延之云甚善便當理會繼而延之病
矣不知曾及施行否去秋赴官吳陵舟過茂苑訪
一親舊觀其所藏書目得己酉年李方叔正民代

言詞掖從行航海所紀頗備

明清所緝

後錄取王

穎彥錢穆記錄其間於此亦有相犯者姑悉存之

所恨尤先生不及見之耳其目云中書舍人李正

民乘桴記曰建炎己酉秋七月車駕在金陵初一

日下詔奉隆祐

太后六宮外洎六曹百司皆之

南昌命簽書樞密院事滕康資政殿學士劉珏同

知從衛三省樞密院治常程有格法細務及從官

郎吏皆分其半從行八月十六日隆祐登舟百司

辭於內東門閏八月一日內出御筆以固守建

康或左趨鄂岳右駐吳越集百官議于都堂羣臣

皆以鄂岳道遠恐饋餉難繼又慮車駕一動即江

北群盜必乘虛以窺吳越則二浙非我有乃決吳
越之行十三日制以呂頤浩爲左僕射杜充爲右
僕射繼又命杜充以江淮宣撫使畱建康府以江
諸將並聽節制二十四日從官以下先行二十六
日 車駕離建康府九月八日 行在平江府十
一日以翰林學士張守簽書樞密院周望爲兩浙
宣撫使留平江府初命周望爲江南荆湖宣撫使
駐兵郢州以控上流以顧浩不可離 行在乃改
命焉十月二日從官以下先發初五日 車駕離
平江府十三日 行在越州入居府廨百司分寓
十一月二十日知杭州康允之遣人押到歸朝官

某人云自壽陽來報金人數道並入已自采石濟江以未得杜充周望奏報 朝廷大駭集從官議欲移蹕江上親督諸將爲迎敵之計宰相侍從同對于便坐或謂且遣兵將或謂宜募敢戰士以行宰相呂頤浩又自請行議未決退詣都堂午間得周望奏狀錄到杜充書虜騎至和州已召王瓊移師南渡杜充親督師詣采石防守 朝廷稍安從官乃請遣兵應援建康又分兵守衢州信州隘路慮胡騎自江黃間南渡或從趨衢信以迫 行在也二十一日命傅崧卿爲浙東防遏使令召募土豪以備衢信得江州報胡人破黃州由郢州渡江

向興國軍洪州是日有中使自洪來云隆祐一行
已於十一月初八日起發往虔州矣二十二日從
官又請對慮胡騎不測馳突請以郭仲荀輕兵三
千從 車駕至平江府倚周望韓世忠兵以爲援
仲荀方自杭來士卒老幼未至易作去計而令張
俊兵以次進發既對上以張俊重兵不可留遂決
議皆行退命直學士院汪藻草詔曉諭軍兵以迎
敵之說乃以二十三日先發兵三千 車駕以二
十五日起行旣至錢清堰宿頓是夜得杜充奏我
師敗績又康允之奏人馬已自建康府徑路犯杭
州界遂倉猝回鑾二十六日次越州城下從官對

于河次亭上議趨四明呂頤浩奏欲令從官已下各從便而去上以爲不可曰士大夫當知義理豈可不扈從若如此則朕所至乃同寇盜耳於是郎官以下或留越或徑歸者多矣二十七日以御史中丞范宗尹叅知政事是日早駕詣都堂撫諭將士移御舟過都泗堰不克二十八日晚出門雨作自是路中連雨泥淖吏卒老幼暴露不勝其苦命兩浙轉運使陳國瑞沿路排頓用炭一千二百斤豬肉六百斤以給衛士云十二月五日車駕至四明居于府廨朝廷召集海舟甚急監察御史林之平自春中遣詣福建召募海船至是相

繼而至朝廷甚喜十一日親從班直百餘人因
宰執早朝至行宮門外邀宰相問以欲乘海舟何
往頤浩喻以利害乃退上命辛永宗勒中軍盡捕
諸班直囚之十三日誅其首者十有餘人並降隸
諸軍以侍御史趙鼎爲御史中丞十四日臺諫請
對上喻以不得已之意又探報虜人已入杭州
劉俊引兵出戰不勝康允之走保赭山詔六曹百
司官吏並於明越溫台從便居住於是左右司御
營使司參議官皆留十五日大雨群臣欲朝至殿
門有旨放散惟宰執入對既退車駕遂登舟至
定海宰執從行十六日從官以次行吏部侍郎蘇

望之以疾辭不至詔給寬假給事中汪藻乞陸行
以從十八日聞有使人至命范宗尹趙鼎復回明
州以修贊既至乃前所遣報信使臣而已十九日
車駕至昌國縣二十四日遣權戶部員外郎李承
造往台州刷錢帛二十五日早得越州李鄴奏云
虜人已在西興下寨別令人馬自諸暨趨嵊縣徑
入明州乃議移舟之溫台是日范宗尹趙鼎回至
行在二十六日啓行自是連日南風舟行雖穩而
日僅行數十里云二十九日歲除庚戌正月一日
大風碇海中二日北風稍勁晚泊台州港口三日
早至章安鎮駐舟知台州晁公爲與李承造皆來

上幸祥符寺從官迎拜於道左是日得餘姚把隘
官陳彥報人馬至縣迎擊乃退又得韓世忠奏見
在青龍鎮就糧欲俟敵人之歸爲擊計初命世忠
駐兵鎮江控扼後聞胡人自采石濟師上命追世
忠赴行在又欲令移軍常州呂頤浩請以

御筆召之上曰朕與世忠約堅守今聞乃來於
是遣中使賈詔世忠聞采石失守已離鎮江府
登海舟矣至得奏上優詔荅之四日象山縣報人
馬至明州張俊爲戰守備明州西城外民居盡焚
之矣然其意亦欲來赴行在也晚得康允之奏
繳到杜充書已在真州與劉位聚兵爲邀擊計徐

州趙立以師三千來援建康守陳邦光及戶部尚書李梲皆降于虜六日張俊奏云二十九日正月初二日凡敵殺傷相當又得二十八日奏及差人賚到二級上命辛企宗以兵一千赴明策應又出手詔趣杜充趙立劉位激勵使戰以爲後圖皆親書示宰執乃遣之而辛企宗不行七日周望奏常州有緋抹額賊衆犯外城知州事周杞守子城以拒賊赤心隊劉晏出戰敗之又言知秀州程俱率官吏棄城保華亭縣又探建康人馬皆焚糧草收金銀稍稍渡江北去自稱李成人馬云八日張思正奏云張俊出兵擊退虜騎思正與劉洪道李質

分兵追蹤九日張俊已自台州陸趨 行在意恐
金人小劙濟師而來力不能拒爾前此屢奏求海
舟 朝廷報以方聚集遣行欲其且留明州既得
此奏甚以爲憂又慮李鄴已迎降虜人以越爲巢
穴其經營未已也十日郭仲荀貴授汝州團練副
使廣州安置以擅離越州及妄支散錢帛又夜過
行在不乞 朝見等罪也十二日滕康遣使臣奏
隆祐一行已到虔州前此得信州探報云十七日
到吉州又云二十一日有人馬至吉州東岸知州
楊淵棄城走 朝廷深慮胡人追蹤然本謀南昌
之行意謂虜人未必侵犯雖離建康日得密旨令